

## **Dithero tsa Tirelano mo Kutlwanong**

18/2015 Thero ka moletlo wa go gopola tsogo ya Morena, e le ka 14. 05. 2015

### **Mo leineng la Modimo o e leng Rara le Morwa le Mowa o o Boitshepo!**

Lefoko le le okamelang beke eno, letsatsi le, le kwadilwe mo go Joh. 12:32, le re: **"Mme nna, e tla re fa ke sena go tihatlosiwa mo lefatsheng, keikgogele batho botlhe."**

1. Sefela sa 143 - 126/130

**2. Thapelo:** "Morena, o re itshepise mo boammaaruring. Lefoko la gago ke la boammaaruri." Joh. 17:17. Amen.

3. Lefoko la Testamente e kgologolo le kwadilwe mo go 1 Dikg. 8:22-24.26-28;

Epistolo ka fa thulaganyong ya 2 e kwadilwe mo Ditirong tsa baapostolo 1:1-11;

Efangele ka fa thulaganyong ya 5 e kwadilwe mo go Johane 17:20-26.

4. A go ipolelwe tumelo ya bokeresete!

5. Sefela sa 144 - 127/131

6. Thapelo ya mmadi wa thero.

**7. Efangele** ka fa thulaganyong ya 1 e kwadilwe mo go Luka 24:44-53, e re: Jesu "a ba a ba raya a re: 'Mafoko a me a ke a buileng le lona, fa ke sa na le lona, ke a go re: Tsotlhe tse di kwadilweng ka ga me mo molaong wa ga Moše le mo baporofeting le mo dipesalomeng di tshwanetse go dirafala.' Ya baa gona o sedimosang thaloganyo ya bone gore ba thaloganye Dikwalo. A ba raya a re: 'Go kwadilwe jalo, mme go ne go tshwanetse gore Keresete a boge, a be a tsoge mo baswing ka letsatsi la boraro, le gore go rerelwe merafe yotlhe boikwatlhao jo bo isang boitshwarelong jwa dibe ka leina la gagwe, go simolola mo Jerusalema. Lona lo basupi ba dilo tse. Mme itseng, ke lo romela mpho e lo e solofeditsweng ke Rre. Lona lo nne mo motseng wa Jerusalema go tle go tsamae lo newe nonofo e e tswang kwa bogodimong.' Jaanong a ba gogela kwa ntle go fitlha go lebagana le Bethania; a tsholetsa mabogo a gagwe, a ba tshegofatsa. Ya re a ntse a ba tshegofatsa, a kgaogana nabo, a tthatlosediwa kwa

legodimong. Foo ba mo obamela, ba be ba boela kwa Jerusalema ka boitumelo jo bogolo; ba nna mo Tempeleng ka gale, ba leboga Modimo, ba o baka." Amen.

**8. Thero:** Phuthego ya ga Jesu Keresete, kajeno ke letsatsi le le gakgamatsang. Re gopola tiragalo e kgolo, le go dira moletlo o mogolo. Re gopola tihatlogo ya Morena wa rona, o tihatlogetse mo legodimong, e seng ka go re tlogela go nna masiela, mme ka go nna le rona ka fa tsholofetsong ya gagwe, le go bowa mo kgalalelong ya gagwe gore a nne le rona ka metlha, le fa e le ka sebaka sefe, gongwe mo felong gofe mono mo lefatsheng. Re gopola mafoko a gagwe a bofelo pele a ise a tihatloge, a a reng: "Mme itseng, nna ke na le lona ka malatsi otlhe go ya bokhutlong jwa lefatshe."Ka moo letsatsi le legolo la kajeno ke moletlo wa kgomotso. Ke moletlo wa boitumelo.

Re fa gare ga dipaka jaanong, fa gare ga moletlo wa tsogo le moletlo wa Pentekoste, fa gare ga go gopola tsogo ya ga Keresete mo baswing le go gopola kgoromeletso ya Mowa o o Boitshepo kwa Jerusalema. Letsatsi la tihatlogo ya ga Keresete ke letsatsi la masome a le mane morago ga tsogo ya gagwe. Mo nakong eo ya dikgakgamatso le ya masaitsiweng Jesu o ne a bonwa ke basupi ba le bantsi. O ne a ba sadisa pila, a ba ruta, go ba bontsha, go ba gomotsa, go ba tiisa, go ba godisa, go ba tthalosetsa, go ba gopotsa, go ba sedimosa, le go ba roma.

Luka o kwadile dikwalo tse pedi, e bong Efangele le Ditiro tsa Baapostolo. Go ka nna molemo, fa re nna fa fatshe kwa gae, le go buisa dikwalo tse pedi tse tsa gagwe mmogo mo malapeng. Luka o kwadile Ditiro tsa Baapostolo gore re lemoge ka fa kereke ya ga Keresete e simologileng ka teng, fa Jesu a sena go sadisa barutwa ba gagwe pila, le go goromeletsa Mowa o o Boitshepo, fa gare ga nako e Lefoko la thero ya kajeno e buang ka yona le go tlhaga ga phuthego ya ntlha ya gagwe kwa Jerusalema. Jesu Keresete o ne a tihatlogela mo legodimong. Phuthego ya gagwe ya tlhaga. Morongwa wa Modimo o ne a romela barutwa ba gagwe mo lefatsheng lotlhe. Le bone ba fa gare ga dipaka. Ba nna kwa Jerusalema, ba letela go kolobediwa ka Mowa o o Boitshepo gore ba amogele thata le bopelokgale, boitumelo le dineo go diragatsa tiro ya bone ya go nna basupi. Kana ba ne ba tlhoka Mowa wa Modimo gore ba utlwe sentle, ba tthaloganye botoka. Rotlhe re dumela ka Lefoko la bone. Re maungo a tse di jwadilweng ke bone. Ke bagolo ba rona, batsadi, baruti le barutisi ba rona. Tumelo e tla ka go utlwa Lefoko la ga Keresete le le rerilweng ke barutwa ba ga Jesu, tumelo ya me, le ya gago. Ke dumela mo go Jesu Keresete, yo o tsogileng mo baswing, a tihatlogela kwa legodimong, o ntse ka fa le le jang la Modimo, Rara, Mong-wa-thata-yotlhe, kwa a tla bowang

teng go athola batshedi le baswi. Ke a itse, ke dumela ka tlhomamo gore Morena wa rona, Morwa Rraetsho Jesu Keresete o mo legodimong, o a nkgoga, le go mpitsa.

Ka moo ke rata go mo sala morago. Ke eletsa thata go nna le ene. Ga lo itse gore jang. Ke rata go ya mo legodimong jaaka ene, nna mmogo le botlhe ba ke ba ratang, nna le badumedi botlhe mo mafatsheng otlhe, ba merafe le dipuo tsotlhe mo lefatsheng. Re sa ntse re le mo lefatsheng, re thusanya mo tseleng ka thata le Lefoko la Morena go ya mo letsatsing le botlhe ba letsomane le le lengwe la Modisa yo o molemo le tla bonalang ka lona, go se nne ope yo o tlogelwang, gonne Jesu Keresete o batla botlhe. A ba raya, a re: "Mafoko a me a ke a buile le lona, fa ke sa na le lona, ke a gore tsotlhe tse di kwadilweng ka ga me mo molaong wa ga Moše le mo baporofeting le mo Dipesalomeng di tshwanetse go dirafala. Ya baa gona o sedimosang tlhaloganyo ya bone gore ba tlhaloganye Dikwalo. A ba raya a re: Go kwadilwe jalo, mme go ne go tshwanetse gore Keresete a boge, a be a tsoge mo baswing ka letsatsi la boraro, le gore go rerelwe merafe yotlhe boikwatlhao jo bo isang boitshwarelong jwa dibe ka leina la gagwe, go simolola mo Jerusalema. Lona lo basupi ba dilo tse."

Re basupi. Mosupi o dirang? Mosupi ga a supe tsa gagwe. O supa tsa yo mongwe yo o mo romileng. O supa boammaaruri fela,. Ga a supe sepe se se fetang foo. Ga a tsietse. Ga a bue maaka, fa e le mosupi tota. Ke fa re ikanya, le go amogela bosupi jwa gagwe. Ka letsatsi la tlhatlogo ya gagwe Jesu o ne a fenya dipelaelo, le poifo, le tumelo e nnye ya barutwa ba gagwe. A tiisa tumelo ya bone. Ka go dirang? Jang? O ne a ba ruta, le go ba tlhalosetsa masaitsiweng a Beibele, a ba tshegofatsa. A ba raya a re: "Go kwadilwe jalo, mme go ne go tshwanetse gore Keresete a boge, a be a tsoge ka letsatsi la boraro, le gore go rerelwe merafe yotlhe boikwatlhao jo bo isang boitshwarelong jwa dibe ka leina la gagwe, go simolola mo Jerusalema. Lona lo basupi ba dilo tse. Mme itseng, ke lo romela mpho e lo e solofeditsweng ke Rre. Lona lo nne mo motseng wa Jerusalema go tle go tsamaye lo newe nonofo e e tswang kwa bogodimong; Jaanong a ba gogela kwa ntle go fitlha go lebagana le Bethania; a tsholetsa mabogo a gagwe, a ba tshegofatsa. Ya re a ntse a ba tshegofatsa, a kgaogana nabo, a tlhatlosediwa kwa legodimong. Foo ba mo obamela, ba be ba boela kwa Jerusalema ka boitumelo jo bogolo; ba nna mo Tempeleng ka gale, ba leboga Modimo, ba o baka."

Boitumelo jo bo rata go tlatša dipelo le metse ya rona kajeno. Bo rata go tsamaya le rona kajeno le kamamoso le go re felegetska kwa re yang teng. Modimo wa romela Jesu Keresete mo lefatsheng. Jesu Keresete o ne a romela barutwa ba gagwe mo lefatsheng. Le kajeno o roma barongwi ba gagwe gore e nne basupi ba gagwe. Re fa gare dipaka. Re fa gare ga kgorogo ya ntlha ya gagwe le go bowa ga gagwe ka letsatsi la bofelo. Ga re itse gore o tla bowa leng. Ga re itse gore o tla bowa leng, mme ga go re tshwenye, gonne re itse gore ke yo o tla bowang, e bong yo o kileng a robala mo mogopong kwa Bethlehem, le go tshegofatsa bana, go tshala thato ya ga Rraagwe yo o mo legodimong, go thusa batlalelwa, go gomotsa ba ba hutsafetseng, ke yo o neng a tsosetsa ba mewa e e lapileng, le go rerela bahumanegi Efangele, go fodisa balwetsi, le go tsosa baswi. Ke ene yo o kileng a lepelediwa mo legonnyeng kwa Golegota, le go tsholola madi a gagwe a a boitshepo, le go re swela teng. Ke ene yo o duleng mo phupung ya ga Josefa wa kwa Arematea morago ga malatsi a le mararo. Ke ene yo o re pholosang, le baleofi botlhe ba ba dumelang mo go ene ka boitshwarelo jwa maleo, le ka kgololo mo losong le mo thateng ya ga Satane.

Ke ene yo o re felegetseng, go fitlha mo letsatsing la kajeno mo ditlalelong tsotlhe le mo maitumelong otlhe a botshelo jwa rona. A tsamaya le bagolo ba rona. Fela jalo o tla tsamaya le bana ba rona le bana ba bone. O teng kwa Efangele ya gagwe e rerwang teng, le disakamente tsa gagwe di abelwang ka bophepa teng. Ke ene Mogolodi, Mopholosi wa mewa ya rona yo o fenyang poifo le tapisego. Ke ene yo o tiisang ka thata ya gagwe mangwele, le dipelo, le mokwatla wa ba ba tshwenyegileng ka makoa a magolo. Ke ene yo o tla tsamayang le rona mo nakong e e bokete ya rona, ke raya nako ya bofelo, fa re tshwanetse go tloga mo lefatsheng. Re fa gare ga magae, rona badumedi, ke raya legae la mono mo lefatsheng, le legae la bobedi kwale mo go le le tlang, mo legodimong, mme ga re nosi. Morena o solofeditse, fa a tla nna le rona ka metlha go ya bokhutlong. A Morena a lebogwe! Amen.

**9. Thapelo:** Morena Jesu Keresete, re leboga, re lebogela thata le lorato lwa gago. O re utlwele botlhoko, Morena Keresete! O thuse mo tseleng, o re abele thata gore re go sale morago, o re baakanyetse bofelong jo bo tshegofaditsweng. Amen. Thapelo ya Morena: Rara wa rona yo o mo legodimong ...

10. Sefela sa 145 - 128/-

A kagiso ya Modimo e e fetang tlhaloganyo yotlhe e boloke dipelo tsa rona le maikutlo a rona mo go Keresete Jesu, Morena, Morepholosi. Amen.

A kagiso ya Modimo e e fetang tlhaloganyo yotlhe e boloke dipelo tsa rona le maikutlo a rona mo go Keresete Jesu, Morena, Morepholosi. Amen.

Thero eno e kwadilwe ke K. G. Tiedemann, ka ngwaga wa 2008/2014.

Kgatiso le go rongwa ga dithero tseo go tshegediwa ke kopano e e bidiwang The Lutheran Heritage Foundation.